

INUIT ATAQATIGIIT

Inatsisartuni



UPA 2017/182
Nuuk, 11.05.2017
Ane Hansen

Brintiliornermut brintillu atorneqarnissaanut illoqarfinni imermit nukissiornermik pilersorneqartuni nukiup atorneqangitsup atornissaanut Ilulissani misiliutaasumik suliniuteqarnissamut pilersaarummik Naalakkersuisut UPA 2018-imut saqqummius-sinissamik peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortat, Anders Olsen, Vivian Motzfeldti, Bendt B. Kristiansen, Debora Kleist aamma Mala Høy Kuko)

Sanartornermut Ataatsimiisitaliami ilaasortat siunnersuutaat, Brintiliornermut brintillu atorneqarnissaanut illoqarfinni imermik nukissiornermik pilersorneqartuni nukiup atorneqangitsup atornissaanut misiliutaasumik suliniuteqarnissamut pilersaarusiortoqassasoq Inuit Ataqatigiin- nit soqtiginartorujussuartut isigarput.

Nukissiutit ataavartut avatagiisinullu migutsitsinngitsut ineriertortinneqartuarnissaat soqtigisaraarput, isumaqarpugullu misileraanerit ullumikkumiit annertunerusariaqartut. Anguni- agararpummi sapinngisamik annertunerpaamik nunarput nukissiutinik avatagiisinut migutsi- tsinngitsunik atuiffiussasoq.

Siunnersuuteqartut oqaatigaat paasisassarsiorluni angalasarnerminni nukissiutit ataavartunit pilersuinissami aningaasaliinissamut soqtiginnittunik naammattuugaqartarsimallutik. Naliginaasumik naalakkersuisut nunatta avataaniit aningaasaliisussarsiornermi aningaasalerusus- sinnaasunik soqtiginnittarput, taamaattumik eqqumiiginartipparput Naalakkesuisut siun- nersuummut itigartitsiniarnerat tungavilersuutigalugu Nukissiorfiit Brintiliornermi misileraaga- mik iluatsingitsorsimammata. Isumaqarpugut Nukissiorfiit misileraanermanni iluatsitsinngitsor- nerat nutaamik misileqqinnissamut unifflisinnaangitsoq, allanimmi pikkorinnerusumik misilera- arersimasunillu aningaasaleerusussinnaasunillu peqarpoq, pikkorinnerulernissamut unammil- lerneq sallitutsigu iluatsingitsorsimasut uniffinagagit, misileraanerit ingerlateqqitsigit Ilulissani- innangitsoq aamma erngup nukiganik nukissiorfinngorumartussani allani soorlu Qasigianguit eqqaani nukissiorfissami.

Brinti atorlugu nukissiorneq ineriertortissallugu arlalissuartigut soqtiginaateqarpoq, soorlu nunaqarfinni tunisassiorfilinni nukissiornikkut amikkittortartuni. Taamamat Nukissiorfiit misi- liigaluarnerminni ataatsimi iluatsingitsornerat uniffinagu misileraasa aningaasaliinissamik soqtiginnittut suleqatigalugit.

Taamatullu oqaaseqarluta siunnersuutip akuerineqarnissaa inassutigalugu aappassaanerneqar- tinnagu Inatsisartut Sanartornermut ataatsimiisitalianut ingerlateqqinnejqassasoq inassutigar- put.